

再生記 續玄怪錄
玄怪記 靈鬼志



續
玄
怪
錄

撰人不詳

中
華
書
局

此據龍威秘書本
排印初編各叢書
僅有此本

續玄怪錄

延州婦人

昔延州有婦人，白皙頗有容貌，年可二十四五，孤行城市，年少之子，悉與之遊，狎昵薦枕，一無所却。數年而歿，州人莫不悲惜，共醺喪具，爲之葬焉。以其無家，瘞於道左。大歷中，忽有胡僧自西域來，見墓，遂趺坐具敬禮，焚香圍繞，讚歎數日。人見，謂曰：「此一淫縱女子，人盡夫也，以其無屬，故瘞於此。和尚敬耶？」僧曰：「非檀越所知，斯乃大聖慈悲喜捨，世俗之欲，無不徇焉。此卽鑲骨菩薩，順緣已盡，聖者云耳。不信，卽啓以驗之。」衆人卽開墓視，遍身之骨，鉤結皆如鎖狀，果如僧言。州人異之，爲設大齋，起塔焉。

臨海射人

吳末，臨海人入山射獵，爲舍住夜。中一人長丈，着黃衣，白帶，徑來謂射人曰：「我有讐尅，明日當戰，君可見助。」當厚相報。明日食時，君出溪邊，敵從北來。我南往，白帶者我，黃帶者彼。射者許之，明出果聞岸北有聲，狀如風雨。草木四靡，視南亦爾。唯見二大蛇，長十丈，於溪中相遇，便見盤繞，白蛇勢弱，因引弓射之。黃蛇死，日將暮，復見昨人來辭謝云：「住此一年獵，明年去，慎勿復來，來必爲禍。」射人曰：「善。」遂停一年獵，所獲甚多。家至巨富。數年後復憶先所獲多，乃忘前言，復更往獵，見先白帶人告曰：「我語君勿更來，不能見用。」射人已大，今必報君，非我所知。射人聞之，甚怖，便欲走，乃見三鳥，衣皆長八丈，俱張口向之。射人卽死。